

Naqqiissut 2

Naqqiissut 30. maj 2023-meersoq taarserpaa

(Oqaaseqatigiit inuaqatigii inooqatigiinnermikkut, kultur-ikkut, upperisamikkut, anersaakkullu naleqartitaat ileqquilu, siunnersuutip § 1-ia, imm. 2 kalaallisuuani peerneqassaaq)

Allannguutissatut siunnersuut

uumunnga

Siunnersuut: Aatsitassarsiorernut Inatsisartut inatsisaat

Pingajussaanigassatut Naalakkersuisut saqqummiussaat.

§ 1-imut

1. § 1 imm. 2-mi imatut allaqqassaaq:

” Imm. 2. Inatsisartut inatsisaanni naatsorsuutigineqarpoq, suliat inatsimmiisinneqartut inuaqatigiit peqqissuunerannik ajoqusiisannginnerat, sillimaniarneq, avatangiisit, pisuussutinillu atuinerit, inuaqatigiinnilu piujuartitsineq eqarsaatigalugit illersorneqarsinnaasumik ingerlannissaat, aammalu naapertuutissasut naleqqullutillu nunat tamat akornanni periusiinut akueraasunut.”

§ 35-imut

2. § 35-imi imatut allaqqassaaq:

” **§ 35.** Qinnuteqartoq ujaasinissamik akuersisummiik § 34-i naapertorlugu nalunaarfiginnginnerani, Naalakkersuisut qinnuteqaat inuaqatigiinnut ulluni 21-ni tusarniaasutigisassanngortissavaat.

Imm. 2. Tusarniaanermi piffissaq imm. 1-i naapertorlugu, immikkut pisuni, ulluni 21-ni sivitsorneqarsinnaavoq.”

§ 45-mut

3. § 45-mi, imm.2.-mi imatut allaqqassaaq:

” Imm. 2. Ingerlatseqatigiiffiup siulersuisui Kalaallit Nunaanni inissisimassapput”

§ 52-imut

4. § 52-i imatut allaqqassaaq:

” **§ 52.** Aatsitassanik piaanissamik akuersisummi aalajangersarneqassaaq, qanoq

annertutigisumik pisinnaatitaaffeqartoq kalaallnik sulisoqarnissaa. Suliffeqarfiup pisariaqartitaatut annertutigisumik, akuersissutaateqartoq sulisunik nunanit allanneersunik Kalaallit Nunaaninngaaneersuniinngitsunik sulisoqarsinnaavoq, imaakkaanngat assinganik suliaqarsinnaasut piukkunnaateqartut Kalaallit Nunaanniinngippata periarfissaqanngippatalu. Imm. 2. Aatsitassanik pianiissamut akuersissummi aalajangersarneqassaaq, akuersissummik pigisaqartup suliffeqarfiit Kalaallit Nunaanneersut suliariumannittussarsiornermi, pilersuinermi, kiffartuussinermilu qanoq annertutigisumik atusanerai. Suliffeqarfiit Kalaallit Nunaaneersut teknik-ikkut niueqatigiinnnikullu unammillersinnaanngippata, suliffeqarfiit allat atorneqarsinnaapput.”

§ 53-imut

5. § 53-i imatut allaqqassaaq:

” **§ 53.** Akuersissummi § 16 naapertorlugu aalajangersarsinnaavoq, akuersissummik pigisaqartup qanoq annertutigisumik aatsitassanik Kalaallit Nunaanniittunik suliareqqaarsinnaagai. Kalaallit Nunaata avataani suliareqqaarinnittoqarsinnaavoq, Kalaallit Nunaani suliareqqaarinninneq akissaajaataanerussappat akornuteqassappalluunnit.”

§ 128-imut

6. § 128-i imatut allaqqassaaq:

” **§ 128.** Inatsisartut inatsisitigut aalajangersarsinnaavaat, sumiiffik sumiiffiilluunniit aalajangersimasut eqqisisimatisitaanissaat sannaat allanngutsaaliorissaallu sianiginiaassammata. Sumiiffimmi geologiia eqqarsaatigalugu eqqisisimatisitami, una Inatsisartut inatsisaat naapertorlugu, qanorluunnit ittumik suliaqartoqassanngilaq, imatut inngippat, ataatsimik arlalinnilluunniit aalajangersimasumik /-nik suliaqartoqarsinnaasoq, Inatsisartut eqqisisimatisinermut inatsimmi aalajangigaanni.

Imm. 2. Inatsisartut una Inatsisartut inatsisaat naapertorlugu, inatsisitigut suliaq /-liat inerteqqutigisinaavaat imaluunniit killilorsorsinnaavaat, soqtigisat nalinginnaasut isumaginissaat siunertaralugu.”

§ 140-mut

7. § 140-mi imm. 2-tut ikkutissaaq:

” *Imm. 2.* Naalakkersuisut imm. 1 naapertorlugu aalajangersakkanik sukumiinerusunik, pinngitsaaliisummik akiliisitsinerit qanoq annertutiginissaannut tunngasunik aalajangiissapput.”

Allannguutissatut siunnersuummut oqaaseqaatit

Oqaaseqaatit nalinginnaasut

Allannguutissatut siunnersummi siunertaavoq allannguutissanik ilanngussinissaq, taa-maaliornissaq Inussutissarsiornermut Aatsitassanullu Ataatsimiitaliamit siunnersuutaalluni ataatsimiitaliap isumaliutissiissutaaniittooq aatsitassarsiornermut Inatsisartut inatsisaata aap-passaaneernerani, aamma ataatsimiitaliap ilassutitut isumaliutissiissutaata aap-passaaneernerani.

Oqaaseqaatit allannguutissatut siunnersummiittunut aalajangersakkanut ataasiakkau-nut

Normu 1-imut

Allannguutissatut siunnersummi imm. 1-imi erseqqissarneqarpoq, aatsitassarsiornermi tun-gatillugu Inatsisartut inatsisaanni naatsorsuutigineqarpoq, suliat siunnersummi ilanngunne-qartut inuiaqatigiit peqqissusianik innarliissangitsut.

Ilanngullugu piissaaq innersuussut inuiaqatigiit inooqatigiinnerannut, kultur-iannut, upper-isaannut anersaakkullu naleqartitaannut ileqqinullu tunngasoq.

Allannguut siunnersuutip imm. 1-iani pissaaq, taannaasoq siunertanut aalajangersagaq, tas-sanilu erseqqissarneqartoq suliat siunnersummi ilaatinneqartut, tassanilu sulissinermi inuiaqatigiit peqqissuunerat sianigineqassasoq.

Normu 2-mut

Siunnersuutigineqarpoq aalajangersagaq aatsitassarsiorernut tunngasuni § 35 Inatsisartut inatsissaaniittooq, misissueeqqaarnernut akuersissutinik nalunaaruteqarnernut atatillugu innut-taasunik tusarniaatitsinerni, allanngortinnejassasoq imaalillugu, ulluni 21-ni aalajangersi-masuni tusarniaanermik piffissaqassasoq, imatuunngitsoq allanngortinneqarsinnaasunik 21-nik ikinnerpaanik ulloqartitsilluni. Taamaaliornermi qinnuteqartut qulakkiissavaat, tusarni-aanerup sullissineq sivitsortissanngikaa.

Aalajangersakkami imm. 2 ilanngunneqassaaq, tamatuma kingorna immikkut pisoqartillugu tusarniaanermi piffissaasoq ullunik 21-nik sivitsorsinnaanngortillugu.

Tusarniaanerup sivitsortinnissaanut patsisaasinnaavoq, saqqummiussinermi teknik-ikkut ajor-nartorsiuteqarneq.

Imatuttaaq pisoqarsinnaavoq, imm. 1-i naapertorlugu tusarniaanermi akissutit tusarniaatitsine-rup nalaani takkuttut patsisaasut. Tamanna immikkut pissaaq, tassami tusarniaatitsinerup si-unertaraa, innuttaasut ilerasuuteqarnerisa ilisimasaqarfigilernissaat. Assersuutaasinnaavoq tusarniaanermi akissummi tikkuarneqartoq, innutaasut inuuffigisaminni ilisimalersimanngi-saannut ajornartorsiutaasunut tunngasoq, taamaattumillu innuttaasut piffissalerneqassasut

oqaaseqartinneqarnissaq eqqarsaatigalugu. Taama psioqartillugu tusarniaanermik piffissaq ul-lunik 21-nik sivitsorneqassaaq, taamaalilluni innutaasut ajornartorsiutinut takkuttunut nutaan-
nut, tusarniaanerullu aallartinnerani takkuttunut isummersinnaanngortillugit.

Pissusiviusunik misissueqqinnissamik patsisaasinnaasut, tusarniaanermi akissutini saqqum-
mersuni, akuersissummilla tunniussinnginnermi tusarniaanissamik sivitsuisinnaasut, tun-
ngavilersuutaasinnaanngillat, Naalakkersuisummi tamakku misissuinerit nammineq ingerlass-
innaammagit, innutaasut peqataatinngikkaluarlugit.

Normu 3-mut

Aatsitassarsiornermut atatillugu Inatsisartut inatsisaani § 45 imm. 2-p allanngortinnissaanut
siunnersuutip patsisigaa, tassani malugineqarmat, taaguutip "allaffeqarfivik", taanna allan-
ngorsimannuatsiarmat nunaniilluallameersunit aningaasaliisussanit paatsorneqarsinnaanera.
Siunnersuutigineqarpoq taaguut "siulersuisut inissismaffiat" atorneqassasoq, taanna tuluit
taaguutigisartagarivaat "place of mangament", akileraaruserinermilu taanna atorneqartarmat.

Normu 4-mut

Suliffissuaqarfimmeersunit atuutsinneqarpoq, siunnersuutip aatsitassarsiornermiittup § 52-ip
oqaaseqatigiilornerata, akuersissutaateqartup kalaallinik, kalaallinillu pilersuisunik atui-
nissami inatsisitigut inissismaneq ersernerlutsikkaa. Taamaattumik siunnersuutigineqarpoq
aalajangersakkap allanngortinnissaa, maanna atuuttumut aatsitassarsiornermut inatsimmut
naapertuuniassammat.

Normu 5-imut

Suliffissuaqarfimmeersunit atuutsinneqarpoq, siunnersuutip aatsitassarsiornermiittup § 53-ip
oqaaseqatigiilornerata, akuersissutaateqartup aatsitassanik nunani allani suliaqarnissami
inatsisitigut inissismaneq ersernerlutsikkaa. Taamaattumik siunnersuutigineqarpoq aalajan-
gersakkap allanngortinnissaa, maanna atuuttumut aatsitassarsiornermut inatsimmut naaper-
tuuniassammat.

Normu 6-imut

Aatsitassarsiornermi § 128-mi Inatsisartut inatsisissaatut siunnersuutaanni, Naalakkersuisut
aalajangersaasinnaapput (aalajangersakkanik atuutsitsilerlutik) sumiiffinnik eqqissisimatitsi-
nissanut, tassani geologiimut pissutsit eqqarsaatigalugit, taakkulu ataannarnissat eqqarsaatiga-
lugu aamma sumiiffinni aatsitassarsiornerit killilersornissaat eqqarsaatigalugu, tassani
soqtigisat nalinginaasut isigniarneqarmata.

Siunnersuutigineqarpoq aalajangersakkap allanngortinnissa imaalillugu eqqissisimatitsinerit geologiskimik pissutsit minersuutissagaat, taakkulu allanngortsaliorinissat, tamatuttaaq aatsitassarsiornermi killilersuutinik atuutsitsilersinnaaneq Inatsisartut inatsisaanniittooq. Taa-maalilluni Naalakkersuisut pissutsini taakkunani aalajangersakkanik atuutsitsilersinnaanngil-lat.

Normu 7-imut

Siunnersuutigineqarpoq aatsitassarsiornermi Inatsisartut inatsisaanni § 140-mi imm. 2 ilanganneqassasoq, tamatuma kingorna Naalakkersuisut pinngitsaalissummik akiliisitsinerup qanoq annertutiginissaanik aalajangersaasinnaapput, aalajangersagaq naapertorlugu.

Taamaalilluni ataatsimik arlariinnilluunniit aalajangersakknik atuutsitsilertoqarsinnaavoq, tasani akiliisitsinerit, aalajangersagaq naapertorlugu, qanoq annertutiginissaat aalajangiunne-qarluni, aamma Naalakkersuisut pinngitsaalissummik, aalajangersagaq naapertorlugu, tunniussinnginneranni.